



## Tuhaqtitauyughat

### Hivuliqti Uqaqtait Angiyughiinni Atannguyat Allanguqtirniit

**IQALUIT (June 29, 2007)** – Hivuliqti Paul Okalik uqaqhimaliqtait allanguqtirniit angiyughiinni atannguyani hakugigharningani Nunavut Kavamatkunni Havaktiit pimmarighaqhugulu havakniit Inuit: David Akeeagok Tukliuliqtuq Minista Nunalingni Kavamatkunnilu Pivikhaqautikkut; Phoebe Hainnu Tukliuliqtuq Minista Pitquhiliqiyitkunni; unalu Aluki Rojas Ministaup Tugliata Ikayuqtinguqtuq Havaktuliqiyitkunni.

Akeeagok Nunavut Kavamatkunniihimavaktuq aullaqtirningani. Hivuagut havaaqaqpaqtuq Ministaup Tugliata Ikayuqtiupluni Kiinauyaliqiyitkunni taimaalu Ministaup Tugliata Ikayuqtiupluni Kavamliqiyitkunni. Qangannuaq, Akeeagok Ministap Tuglirivaktaa Pitquhiliqiyitkunni. Tikkuqaqtauninga aullaqtiqarniaqtuq August 3, 2007-mi.

Hainnu qaritjihimayug amigaittunik angiyuqqaanguyuni kavamatkunni havaknirni ayuirhimanirnik hivuagut tikkuqaqtauhimaningani Ministaup Tugliata Ikayuqtiupluni Iinniaqtuliqiyitkunni, Munarhiliqitkunni Inuuhiriknirmullu talvanilu Kavamaliqitkunni.

Hivuagut ilauliqtinnani Nunavut Kavamatkunnut, Rojas tunihimayug hivumuktirninginni Inuit tahapkunani Kanadaup timiqutiinni. Qangannuaq, inirhimaliqtuq ayuirhaqirmik havaarinialiqtaalu Ministaup Tugliata Ikayuqtiuluni Havaktuliqiyitkunni.

Hivuliqti Okalik angiqhimaliqtata taimaagutaa Nunalingni Kavamatkunnilu Pivikhaqautitkunnit, Ministaup Tuglianit Pam Hine-mit, quyagiyaalu amigaittuni ukiuni havattiarningani tunihivaktainnilu tapkunani angiyuqqaanguyuni kavamatkunni havaknirni.

Hapkuat tikkuqaqtauniit amigairutjuummiqtiyuq Inuit havaktunik Ministaup Tugliinnik Nunavut Kavamatkunni saivaulirhutik.

- 30 -

Tuhaqtipkainikkut Uqaqatighaq:  
Karen Kabloona  
Hivuliqtiup Havakviani  
(867) 975-5059